



李相國集二

卷二

~ 16
2348
2



和
2348
卷 8-2



東國李相國全集卷第四



開元天寶詠史詩四十三首 并序

予讀書之間見唐明皇遺迹開元已前勤
政致理太平之業幾於貞觀天寶已後怠
於政事嬖寵鉗固信用讒邪遂致祿山之
亂至播遷西蜀幾移唐祚可不悲夫是用
拾善可為法惡可為誡者播于諷詠雖事
有不關於上者其時善惡皆上化之漸染
故并掇而詠之豈敢補之風雅聊以示新
學子弟而已

金筋表直

天寶遺事曰宋璟為宰相朝野人心歸羨時春御宴帝以所用金筋賜璟璟雖受所賜莫知其由未敢陳謝帝曰所賜之筋蓋表卿之直也

重價那能賭一賢合將金筋表心堅豈惟當食猶憂國畫作謀籌不借前

荔支

唐書云貴妃嗜荔支必生致之乃置驛騎傳送數千里味未變已至東師杜牧詩云

一騎紅塵妃子笑無人知是荔支來

玉乳冰漿味尚新星飛駟騎走風塵却因咫尺千里添得紅顏一笑春

風流陣

天寶遺事云明皇與貴妃至酒酣使妃子統宮妃百餘人帝統小中貴百餘人排兩陣於掖庭中目為風流陣以霞被錦袿張之為幟攻擊相鬪敗者罰巨觥以為戲笑人議為不祥之兆後果有祿山之亂

禁掖庭深闕闔場錦衾霞被散濃香明皇謾有

風流陣未禦胡雛犯上陽

木芍藥

李白集序曰開元中初重木芍藥植沉香亭前會花繁開上乘昭夜車大真妃以步輦從之李白集清平調畧曰名花傾國兩相歡長得君王帶笑看又天寶遺事云帝指妃子曰此解語花香露低濡昭夜車一枝輕拂曉風斜禁園桃李渾無色獨敲宮中解語花

步輦召學士

遺事云明皇在便殿甚思姚元崇論時務七月十五日苦雨不止泥濘盈跡上令侍御者擡步輦召學士時元崇為翰林學士中外榮之自古惡賢末之有也

步輦迎來玉帝家從教秋雨濁如河六街泥濘知多少未污花靴學士靴

辟寒犀

遺事云文趾國進犀一株使者請以金盤置於殿中温温有暖氣襲人上問其故曰此辟寒犀也上甚悅厚賜之

羅綺香熏暖似春君王猶愛辟寒玳人間臘雪
盈三尺白屋那無凍死民

月宮

逸史云羅公遠以拄杖擲空化為銀橋引
明皇八月宮見數百人皆著素練舞於廣
庭問其曲曰霓裳羽衣

橫空一杖作銀橋行趨水宮度碧霄欲向玉妃
誇舞態細看仙袂雪飄飄

金牌斷酒

遺事云安祿山眷寵既深人多嫉之帝恐

遇毒賜祿山以金牌斷酒每王公勸飲則

示云准勅斷酒云

開元天子計何疎准勅扶持孕禍軀正是護成
鉅菴日朝臣爭肯害胡雛

羯鼓

羯鼓錄云鼓如漆桶下以牙床承之擊用
兩杖宜高樓曉景明月清風明皇在愛之
春雨始晴景物明麗帝取鼓臨軒縱擊又
廣記曰小殿亭內柳杏將吐上取鼓縱擊
曲名春光好顧柳杏皆已發拚指而笑曰

此一事不喚我作天公可乎

高樓春曉響如雷催却微紅杏拆開一代繁華
雲雨散牙床玉索委塵埃

金籠蟋蟀

遺事云每至秋時宮中婢妾輩皆以小金籠捉蟋蟀閉置枕畔夜聽其聲庶民之家皆效此也

蟋蟀偏宜砌底聽金籠那有別般鳴風流漏洩人間世偷作宮中一枕聲

美人呵筆

遺事云李白於便殿對明皇撰詔誥時十月大寒筆凍莫書字帝勅宮嬪十人侍於左右令各執牙筆呵之白遂取而書其詔其受聖暎如此
丹口何須用意呵君恩纔煦暖先加謫仙才思
春葩艷却對紅顏一倍多

七寶山

遺事云明皇於勤政樓以七寶粧成山座高七尺召諸學士講議經旨及時務勝者得升焉唯張九齡論辨風生升此座餘人

不可階也

談經漢殿惟重席落筆龍門只奪袍爭及開元
張學士獨升七寶玉山高

燕鬚

明皇雜錄曰帝友愛至厚設五幄與諸王
更處彌五王帳薛王病親設藥誤燕其鬚
世情漸薄似秋雲兄弟猶為行路人一見唐皇
燕鬚事臨書不覺淚霑巾

義竹

遺事云大液池岸有竹牙筍未嘗相離密

密如裁也帝與諸王謂曰人世父子兄弟
尚有離心此竹宗本未嘗相踈覩此者可
為鑒勗諸王唯唯帝因呼曰義竹

帝性怡怡篤友于天心感應合如符故教義竹
生蒙密何異相承棟宇跗

戴竿舞

明皇雜錄云帝御勤政樓張樂百技女優
大娘善戴竿舞頭戴長竿施木床命小兒
持絳節立其上而舞中音節

此樓當日通英奇玉色曾無乙夜疲胡奈今朝

陳百戲大娘頭上戴孩兒

木瓦

明皇雜錄曰楊妃妹蒲國夫人恩傾一時
奪韋嗣立宅以廣其堂後復歸韋氏因大
風折木墮堂上不損瓦視之皆堅木也
彫成木瓦費何如瓦葺人家竟未居不是韋公
被豪奪天教蒲國理韋廬

楊妃吹玉笛

楊妃外傳曰妃竊寧王玉笛吹杵旨放出
已而復召張祐詩曰小桃院靜無人見閑

把寧王玉笛吹

春風深院沒人知皓腕閑將玉笛吹竊向寧王
非細事可憐君意未終移

龍腦蟬

楊妃外傳曰交趾貢龍腦有蟬蠶之狀帝
以賜妃妃私遺安祿山

龍腦奇香帝屬嬪胡雛一作奴何事得為珍漁陽
犯順君知否都為楊妃暗許親

嚴公畧

開元傳信記曰帝御勤政樓大脯人物闐

咽金吾不能制帝召京兆尹嚴安之諭令
戒約安之以手板畫地為界犯此者死人
呼為嚴公界終日無一犯者

君王彌令劇雷馳一震無人不失匙何事及卑
京兆尹慙懃呼却一安之

記事珠

遺事曰張說為宰相有人惠一珠紺色有
光名曰記事珠或有闕忘之事則以手持
弄便覺心神開朗一無所忘說秘而寶也
燕公遺闕想應無記事猶憑一紺珠哀事後來

居位者銅聰塗眼故昏愚

截鐙留鞭

遺事曰姚元崇牧荊州三年受代吏民泣
擁馬遮首不使去皆截留鞭鐙新牧奏之
糜詔義之賜金一千兩

良牧臨民似母慈一方如仰乳露滿留鞭截鐙
猶為殘孃去兒留得不悲

花妖

遺事曰初有木芍藥一日忽開一枝兩頭
朝深紅午深碧暮黃夜白晝夜香艷各異

帝曰此花木之妖不足訝也

考藥紅黃朝暮態揚妃媚嫵百千姿明皇獨識
花妖在愛却人妖自不知

綠衣使者

遺事曰長安富民楊崇義妻劉氏與隣人
李奔通共殺崇義有鸚鵡語曰殺者李奔
也遂敗明皇聞之封為綠衣使者

秦帝宮松傳口實衛公祿鶴喪人心唐皇不見
分明鑑又爵喃喃巧舌禽

醒醉草

遺事曰興慶池南岸有草數叢葉紫而蕊
因有一人醉過於草傍不覺失醉態後有
醉者摘草嗅之立然醒悟故目為醒醉草
興慶池南紫草繁清香撲鼻似蘭蓀莫言此草
能醒酒未解君王色醉昏

綉鳧釵舟

遺事云溫泉御湯中有玉蓮湯從蓮中湧
出每浴以錦綉為鳧鴈浮之又釵鏤小舟
以為戲翫

玉蓮花底沸湯流紅綉為鳧更釵舟只是驪山

無汗水未成千里錦帆遊

燭奴

遺事曰申王亦務奢侈蓋時使然每夜宮中與諸王貴戚聚宴以龍檀木彫成童子衣以綠衣繫之束帶使執畫燭列立於宴席目為燭奴諸宮貴戚之家皆效之

身是親王富貴俱合陳珠翠日歌呼宮中豈之僅千指費盡龍檀作燭奴

剪髮

開元傳信記曰楊妃常有語侵帝帝怒召

高力士以輜車載之其家妃剪髮授力士曰珍異皆上所賜不足獻惟此父母所生可以獻妾慕戀之意上得髮揮涕遽令力士召歸

極愛翻生拂意間故將侵語屢振干勅還外第妃何恨一朶烏雲足市歡

紅汗

遺事曰貴妃每至夏月常衣輕綃使侍兒交扇鼓風猶不解其熱每有汗出紅膩而多香或拭之於巾帕之上其色如搥紅又

玄宗遺錄云貴妃縊馬嵬高力士奏以擁
項羅上視淚痕皆若淡血
弱質難堪夏日暹玉顏霑汗滴燕脂那知一點
紅施色却是香羅濺血期

金函

遺事曰明皇憂勤國政諫無不從或有章
疏諷諫則探其理道優長者貯於金函中
日置於右時取讀之未嘗懈忽也

開元幾致大平期恣為虛懷納諫詞若置金函
長鑒戒翠華爭肯幸峨眉

富窟

遺事曰王元寶都中巨豪也常以金銀為
屋壁以紅泥泥之又於宅中置一禮賢堂
以沈檀為軒檻以砥砧甃池面以錦文石
為柱礎又以銅線穿錢甃於後園花徑中
貴其泥雨不滑也四方賓客所至如歸故
時人謠曰王家富窟也

王郎富窟真奢借鄧氏銅山敢抗當惟有一端
堪採處箇中無置禮賢堂

寵姐隔障歌

遺事曰寧王宮有女寵姐者姿色善謳
唱每宴外客諸妓女盡在目前惟寵姐客
莫能見詞客李白恃醉戲曰久聞王有寵
姐善歌今酒肴醉飽群公宴倦王何慳此
女王笑謂左右曰設七寶花障召姐於障
後歌之白起謝曰雖不許見面聞其聲亦
幸矣

嬌鶯歌翳柳陰深不見金衣聽玉音謾抱平生
餘恨去寧王空惱謫仙心

念奴

遺事曰念奴者有姿色善歌唱未嘗一日
離帝左右每執板當席顧眄左右帝謂妃
子曰此女妖豔眼色媚人每轉聲歌喉則
聲出於朝霞之上雖鍾鼓箏芋嘈雜而莫
能過宮妓中帝之鍾愛也
帝意方專眷玉環尚知嬌艷念奴顏若均寵倖
分人謗老羯何名敢作艱

消恨花

遺事云明皇於禁苑中初有千葉桃盛開
帝與貴妃逐日宴於樹下帝曰不獨萱草

忘憂此花亦能銷恨

趨口窮歡擁色嬌時平莫慮秦山搖心頭有底
些些恨却倚欵花欲自銷

舞馬

明皇雜錄曰帝教舞馬四百蹄分為左右
部各有名稱曰某家驕其曲謂之傾杯樂
者十曲馬皆衣之以錦綉絡以金環樂作
奮首鼓尾縱橫應節又設三層木榻置馬
其上周旋益妙祿山入京取數千匹歸范
陽祿山敗入田崇嗣軍不知其技也一日

大饗樂作馬聞樂而舞厩人以為妖擊之
至斃

馱見宮腰束素回更教驕馬巧徘徊三層榻上
跣呈技舞破唐家始下來

雪衣娘

明皇雜錄曰嶺南進白鸚鵡養之宮中頗
馴熟洞曉人言彌雪衣娘一日飛上妃子
粧臺曰夢為鷹鷂所搏妃子按以心經持
誦甚精後攜之苑中果為鷲鳥所斃立塚
美人鸚鵡略相同偏受宮妃眷愛豐鷲鳥掠殘

先有識王顏隨斃虜塵中

送妃子

明皇遺錄曰漁陽叛書聞六軍不進力士
奏曰軍中皆言禍胎尚在行宮侯元吉前
奏願斬貴妃首懸之太白旗以令諸中帝
叱曰妃子後宮之貴人投鼠尚忌器何必
懸首而軍中方知也力士奏曰願陛下
賜妃子死以慰軍心貴妃泣曰上帝之尊
勢豈不庇能一婦人使之生乎一門俱族
而延及臣妾得無甚乎帝曰萬口一誦牢

不可破國忠等雖死軍猶不發妃子一死
以塞天下之謗妃子曰願得帝送妾數步
妾死無憾左右引妃子去帝起立目送之
妃子十步九反顧帝泣下交頤

軍情汹汹固難違忍遣紅顏正掩暉豈以大
天子貴勢窮莫庇一宮妃

雨淋鈴

明皇雜錄曰帝幸蜀初入斜谷霖雨彌旬
棧道中聞鈴聲帝方悼念貴妃因採其聲
為雨霖鈴曲以寄恨焉時梨園弟子唯張

野狐一人善獻策因使吹之遂傳于世
棧道崎嶇雨潦俱此時猶念王妃殊殷勤自製
霖鈴曲感策時憑張野狐

凝碧池

明皇雜錄曰祿山犯闕王維等數人為賊
拘執于僧寺一日逆黨會飲于凝碧池以
梨園數百人奏樂維聞作詩一絕曰萬戶
傷心生野煙百官何日再朝天秋槐落葉
深宮裡凝碧池頭奏管絃書于壁賊平維
以此詩免譴

禁池清浪浣胡塵獨有玉卽自慘神慷慨題詩
真有膽賊中寧欠解文人

金粟環

明皇雜錄曰女伶謝阿蠻善舞凌波曲出
入宮中及諸姨宅妃子待之甚厚帝自蜀
還過華清宮令召焉阿蠻出金粟寶環以
獻曰此貴妃所賜也帝持翫不覺墮淚
國破楊妃一笑姿鑿輿播越是因誰不曾懲創
當時事更對遺環靈泣悲

望月臺

遺事曰玄宗八月十五日夜與貴妃臨大
液池憑欄望月不盡帝意不快遂勅令左
右於池西岸別築百尺高臺吾與妃子來
年望月後經祿山之兵不復置焉唯有基
址而已

良辰樂事喜參差虛築高臺指後期唯有年年
秋夜月一輪依舊掛天涯

為祿山起第

唐書曰帝為祿山起第京師以中人督役
戒曰善為部署祿山眼孔大毋令笑我為

鎖戶交疏臺觀池沼華簷帝幕率緹繡金
銀為筵筐籬大抵服御雖乘輿不能過帝
登勤政樓幄坐之左張金雞大障置特榻
詔祿山坐以示尊寵太子諫幄坐非人臣
當得帝曰胡有異相我欲敗之帝又曰胡
有叛相
胡奴反相帝曾知斥去猶遲更寵為眼孔已容
天下大區區第宅若為支

落妃池

楊妃外傳曰貴妃生於蜀誤墜池中後貴

呼為落妃池

太真雖本出峩峩玉輦巡遊豈所期一旦行宮
西入蜀忍看當日落飛池

夢遊大真院

玄宗遺錄曰帝謂力士曰吾自棄去妃子
杳無夢寐齊心膳素宜有所禱果有夢應
夢至一處萬壑烟霞千峯花木滿目寒濤
驚人絕景翠烟絳氣云云白玉掛碑黃金
題字曰東虛第一宮又翠衣童子前導至
一院題曰太一大真九上妃院大真妃隔

雲母屏而坐不見其形但聞其聲帝曰願
得一見天姿何恨此屏似非疇昔相愛之
意妃露半身髻髻新粧依稀舊色帝一見
踴躍前執其手則驚風起於足下若墮天
云

縹緲烟霞紫翠重仙童導入大真宮依稀一見
嚴粧面清夢驚未若墮空

東國李相國全集卷第四

呼為落妃池

太真雖本出峩峩玉輦巡遊豈所期一旦行宮
西入蜀忍看當日落飛池

夢遊大真院

玄宗遺錄曰帝謂力士曰吾自棄去妃子
杳無夢寐齊心膳素宜有所禱果有夢應
夢至一處萬壑烟霞千峯花木滿目寒濤
驚人絕景翠烟絳氣云云白玉掛碑黃金
題字曰東虛第一宮又翠衣童子前導至
一院題曰太一大真九上妃院大真妃隔

雲母屏而坐不見其形但聞其聲帝曰願
得一見天姿何恨此屏似非疇昔相愛之
意妃露半身髮髻新粧依稀舊色帝一見
踴躍前執其手則驚風起於足下若墮天
云

縹緲烟霞紫翠童仙童導入大真宮依稀一見
嚴粧面清夢驚未若墮空

東國李相國全集卷第四

東國李相國全集卷第五

古律詩四十四首

卜居鷺溪偶書草堂閑適無叙兩家來
往之樂贈西隣梁閣校

鷺溪未卜宅鷓嶺正當軒老檜森南巷詞有老檜故詞名

檜青松覆小垣園有四株松倚牆桑麻饒野壟籬落似

山村窓對禪宮塔普濟樓臨酒店門倚挑栽翠

竹剪棘護芳蔭漸作顛茶陸甘為學圃樊沉酣

消日月曠坦老乾坤墮壁頑苔合空庭旅草繁

亂書千卷裡便腹一身尊篋有蠅頭字竿懸續

鼻禪多君心倘儻許我日攀接半脫烏紗帽頰
斟白玉樽語闌明月側碁罷碧山昏灌藥常同
井移瓜欲共園詞場誇攫虎琴曲弄離鷗笛外
風微颺簷前日正暄鸞調啼柳舌蝶豔戀花窠
未往君何憚猶堪避世喧

梁公見和復用前韻

有誰過小恙無分賦高軒筭逆工穿壁羅縈似
護垣清於委羽洞幽勝浣花村潘岳三枕苑陶
潛五柳門婦親金盃求兒媚繡襦猿自揖登山
謝淨欺種梓樊身居懸磬室心坦大輿抽帶雨

自涼

君心去似水相對洗煩鬱更贈一襟秋留為雙
手月

梁文家芍藥盛開梁君請詩為賦之

百花開了靜掃空萬眼渾無一片紅西隣詩家
赤芍藥活豔明冶温香濃紅肌花疊爛如蒸碧
股叢低弱不勝偷裁赤城晚霞豔奪下碧落朝
日昇鮮葩倒垂露密縈點綴金粟排紅燈乃知
造物蓄意慳留此窈窕仙姝顏欲將餘巧動新
賞故待春歸芳意闌滴露洗新猩血釀微風吹

李杜集五
側鶴頭丹我疑王母朝漢皇殿前拆破雲錦囊
又疑火帝下閭闔祝融仙隊拖裙裳西施玉骨
埋泥塵卷却人間一餉春芳魂散漫自難收直
作妖花還媚人故應婀娜嬌無力猶帶吳宮醺
醉色高唐虛役巫峽夢楚國枉有陽城惑可忍
相看不殫腸嫣然向客偏輕盈白日勺開嬌解
笑黃昏微欵靜含情梁公好事人所誇請我試
作看花歌頑桃俗杏粗可狀我才豈合賦名花
况今落魄情興淺白也輩老柰花何謝公曾詠
中書階韓子又歌司馬家嗟渠妖態生何晚未

殘花落隨風舞絮繁病語詩魂減醉覺麴神尊
喜辨騷人侃休誇鼓吏禪林塘能樂樂歲月苦
難援麋食忘魚味酸醅堂上樽烟濃鷺樹濕霞
散鷺天昏廬岳痛投社山陽只灌園賈生空忌
鵬宋玉謾悲鷓小閣宜春景輕衫稱晝暄良辰
須共飲芳草莫教寬更好東窓下圍碁屏俗喧
李讐校見和復次韻答之

寂寞開三經安排置一軒平生甘滌咒小隱笑
踰垣醜婢形如獠瘡奴語帶村賢非居鄭圃思
逸嘯蘇門小砌風敲竹芳畦露裛蓀廢興看草

丹身世寄丘樊北閣斜衝道南山走裂坤杜詩
八裂牛桃葩始綻櫻桃一名牛桃鸞麥葉初繁任達人
多笑傳停鬼不尊王家空有薛魏那王高家
婦久無禪玉樹如叨倚青松誓共援急迴飛雀
弁同醉沸蛆搏晚景烟花亂春天霧雨昏偷閑
眠小榻乘興繞芳園巷柳聞啼鳥庭沙見舞鷗
鍛爐頑叔夜嗜酒老陳暄尚憶揮斤手空餘泣
玉寬為君方掃地相訪莫嫌喧

謝人惠扇二首

支清淡著水團扇皎如霜不夜月長滿先秋風

使此輩煩吟哦玉樽浮蟻儻呼斟撤出風情更

一吟

北山雜題九首

得道已無事經律亦蹄筌我不作羯麻山僧且

安眠

岩僧不浪出溪鳥自閑飛日暮松間霧霏霏欲

濕衣

夢迴山月落吟久野雲歸松石今朝是風塵昨

日非

岸幘倚青松拂琴掃白石落瀑截翠微寒峯界

危碧

我是忘機人萬物視一類山鳥殊未知見我忽驚起

無心白駒詩寓意黑蝶賦讀羅南萃篇山中日

亭午

山花發幽谷欲報山中春何曾管開落多是定

中人

客榻靜無聊幽人睡正濃未聞呼勝力驚起一聲鍾

山人不出山古徑荒苔沒應恐紅塵人欺我綠

蘿月

次韻吳東閣世文呈誥院諸學士三百

韻詩 并序

濮陽吳公世文自北使見劾入洛閑居一

日與金東閣瑞廷置酒鄭負外文甲林園

子訪之預飲坐末吳公誇予曰古今詩集

中無有押三百韻詩者予嘗著三百二韻

詩呈誥院諸學士子豈和之耶因出其詩

示之是日還家次韻賡和奉寄吳公兼簡

鄭負外金東閣

東都古樂國宮殿有遺基新羅第五十六五金

以長女改新羅為慶州為公食邑吳公白言青

史窺陳迹淳風記昔時晉江初渡馬周洛始鑽

龜洛周之東渤海環為沼扶桑繚作籬千年開

際會新羅擄記云膺一千九百年之業累聖享雍熙肇

制宮懸樂初陳筮纂儀儉勤師大夏荒恠黜因

墀拾遺記曰因墀國獻五足獸如國士登韓

信朝臣重孔幾恩榮同雨霈号令劇雷馳冠帶

風雲盛謳歌日月遲誰成平子賦平子賦故云堪

賭孟堅辭孟堅作賦經野當星紀擾旺循土宜禮

攝明以上宜既以乾坤歸黍籥造化八爐槌嚼

鐵忠臣濔聯珠墨客詩魚鱗卿相宅螭首帝王

碑大學迎三老鳩臚受四夷樓諳巢鳳閣官認

紀龍司翼翼呀雙闕泱泱闊大池新羅記等碧

池開大仙真留異跡新羅有仙賢聖揭宏規犬首

侔東岱新羅記有大首祠東蛇川傲左伊三國

京有故川東京茹連多衆彥石畫秘深惟鸞鷲

爭駢翼駢駟競接綏珥蟬皆貴胄批鳳亦清姿

覆被應欺豹幸裾或慕毗道文誇絕壁神略較靈

著仁範笙篳雅弘儒黻披謂朴仁辭清長笛嘏

意逸幅巾咨競躡班聯緊誰辭政事埤孤雲金
馬客崔致遠字孤雲入唐一舉及第同東海王
林技射策鳴中國馳聲震四陸高岑繁彤璽遺
韻遠委蛇西京賦去聲清暢而委世欲終矣漢
謂新羅賢多匿默台周書曰治峯本姓默台避
字注云姓苑寰區歸統壹古國產英奇夫子尤鍾
秀清時持挺姿九經偏嗜易三寶最先慈制作
平吞眺哇濠一掃掃早騰千里足曾備四時皮
鯁正李和鼎風流表孝尼詩高成七步孝過問
三答白玉元難污懸衡豈易欺骨清雙鶴髓文

麗水蠶絲水蠶異後學蜚鈴化諸儒鳥雀隨公
集諸生水蠶異濯纓承異矚頰面奏新詞公曾為抗志
曾高峭低顏肯跽訾自矜紉佩蕙難掩脫囊錐
步緯該金積公無通陰陽唐藝文精神檢玉匙
黃連經云結珠周精養神根玉匙句吳玄系遠
大伯素風垂海內唯方朔閩東獨魯丕短編朝
蹠蹕古篆辨螺紋師道肩韓愈時名揖庾羲再
乘東去駟三駕壯征轍壯觀誇幽薊高遊繼統
廊薤孟初作字意以孰興起理叶人歌故徵期
帝受釐土風猶帶羯邊俗例如羅青犢何勞剪

羶戎尚可縻威聲加絕塞忠信質靈祇巨鼈那
游井飛龍旋躍陂言公之才英登陸殿文翰委
微之公自守郡還銀漏聲露滴花甄影陸離制
詞書蕭紙宣饌飲瓊糜微毒遭蜂蠆公在翰林
官多言任鷓鴣卷舒懷伯玉著述慕雀琦吾道
寧終否斯文要復施閑居雖効岳古事必咨岐
洞冥記曰孟坡清河逸人也貶介名彌著陵兢
志莫提果承中命密更荷渥光熹公復為翰林風翼
幾垂退蘭筋又見羈聲詩皆有寓國病尚堪理
妙藝標三絕清修去八疵文章兼飾吏正直合

膺禧薄宦拘繩墨公才稱鼎鼐雪霜侵髮髮江
海吼肝脾家有生塵甑門多擊轆轤儒功文塚
在忠膽劍鋒知己結蕭公綬猶垂董氏帷清歡
陪栢殿樂天詩云栢殿慶日趁天祺金坡遺事曰
慶天祺節預先御筆登遷拜朝儀省闕遺公
拜批於天威繞咫尺雨澤洽露滋偃僂端容止
矜莊慎唾淚禮記云不自稱居祿隱還笑著書
癡忽受言綸降光承使節持今春為雲中虎鞍
揮電策鼉鼓奮雷推代郡麾驍騎并州選壯兒
菴林搯狒狒西京賦云鼻赤象搯狒狒滂麗鯤

西京賦云通滌解設麗操鯤旨味宜春酒寒暑

大谷梨土聞生鯨鯨山海經北山注云時記韻

鷓鴣命服雖披紫儒冠不改緇鳳觴纖手奉龍

管絳脣吹畫戟森庭陛香風徹道岐年祥占格

澤天志云格澤見軍事驗雀鵲天志常明則

樂日相追春水浮鷗鷗清沙立鷺鷺芳園開豈

危露架折醱醱恠石隴如瘦盤松曲似路脚曲

列城行攬轡虎衛凜交鉞映日旗纛踉隨風弁

鵲玳仙倡馳白象介士騁蒼騅鮮水觀滌漸源

山歷險巖山海經云北鮮之騰身捫去鶴游

日送翩離戲索高連漢驚毬逆越墳時清唯燕

喜訟息好遊嬉搏虎專詞賦成鳧鬪奕碁雪兒

歌律句玉女獻琛禱已分親羅綺從教惹粉脂

使星還入漢猗竹仔瞻淇紈扇中捐棄金刀莫

贈貽四愁詩云羨人贈我金錯朝廷疎敬叔權

責忌桓彝直道甘三黜長謠發五噫怨左心豈

敢賢達古如斯一室耽閑適高門笑伺窺白頭

傭作尉絳帳樂為師公嘗久欠石渠講何如嚮

何歎已而一生窮到骨萬事笑持頤月樹空驚
 鵲雷天尚伏竊去非陶靖節罷異夏侯夜令身
 仙駭遠為公身世才字德全君家玉樹虧我曾同
 意氣為子與德全交才豈角雄雌孔戶窺彌奧曹墻
 八愈采碧雲何獨趙明月不須隋共怯當鋒刃
 其能播戲鉤碎堪驅宋玉意欲剪王任逝矣乘
 風久嗟哉斷聖誰見詩增感慨懷舊自悽惻獨
 洒長康淚猶思德秀眉唯公承鸞薦皆公祖及考
名儒分繼之唐張鷟登進士第孫薦有文辭克
史官子又新第進士孫讀又進士第故云云
 當世作駒僖後漢孔僖與孫駒為友莫便隨麋

鹿復期戴駿蟻流光憐分寸外物視銖銜相訪
 曾交臂清吟自撚鬚漸將栖薈羽仰觸刺天髻
 主喜迎王粲予深慕賈逵賈逵通五經學者羨慕幽居誇
 釣濮竒迹說遊灤公既自北入洛子訪之拾有
 清風龍元無素議此唐書崔弘禮為兵部尚橫
 彈翻見中貧病却難醫莫歎辰安在端知德不
 衰那隨鳧唳藻會與鳳含蕤京兆真瑚璉此言
閻王郎愧桶棟晉王鑒有坦懷無畛域深識剖
 毫釐千首詩張祐三都賦左思一鳴登鷺序新
 沐振蟬綾豈但校天祿猶堪羈谷蠹曩陪清廟

寢公廟曾為肅奉紫壇祠摩訶陳三俎擣燔辨六
齋磴磴芳已積漢書義芳磴磴注齋齋意逾祇
音懼也神挂酒清如潑山壘蒲不歆腹褰張猛
羞角握省豐犧夙夜唯供職蒸嘗但潔粢粟齋
循典祀譎詭黜淫醜卉汨臚精信漢書卉汨臚
也臚也綏將降福禘須知暮召偃誰肯夜呼祈拜
相應看字移官早夢尸賢猶凌向成事豈聞陳
寅左傳味樂祈告難云寅音怡柳韻字韻
寅字共景行高山仰長材大厦施接人多款款
友直亦俛俛劇郡尋煩赦公邊為歸程遠問纍

軺輕行轡轡駉駉走駉駉木末爭猿捷峯頭越
鳥雀鷺濤奔瀆瀆鼈岫香岷嶮繞浦烟村暗泐
溪石棧透卸鞍遊散誕援筆舞瀏漓渴飲寒泉
液疑含凍醴澌幽禽窺睥睨走獸奮鬣鬚綉絡
攀蘿薜楠椽過柞椽類篇云椽椽也椽也西京
繁蔚下車開郡閣擁劍課邊陲童戲猶馴雉軍
蒐競獻貌卦分畦塊圮星散屋逶迤解館堪方
軌賓筵擬履齊錢缸明爍爍竿柱轉傲傲銀鏤
凝葦菜金鱗泛黍醅豐厨炮鷄鷄珍膳味鮫鮫
軒響看如風龜蒙詩云仰瞻三陳隋笑若鮫皮

休詩云後至陳隋世酷憐唯宋豔射逾盡吳姬

蜀郡民歌袴金陵妓奉匱輟穀好山高赤石奇

貸富朱提簿領長堆案朝衣少襯旒息能懷密

老威已懾王姨王勇甫甥也已罷割雞手還極

傾鳳椅輕裝迴沃轡新服拂涼絺歷閱溪山勝

都忘道里疲魂勞懸貝闕耳想聽龍箎尚欲徵

三穗蔡茂為廣漢守愛三穗之方圖戴九璆漢書

九璆品歸來戢羽翻俯仰改駟驪舊列薪猶積

尚乘軹書圃誰為伴仁隣孰與比一錢當不蓄

萬卷本何裨幅被勝狐貉盤蔬當鱸鱖據壞唯

醕酌知命敢鳴戲冠櫛初投謁門牆不見麾晉

寒殷葉萎夕陽嗟暮矣涼夜問何其扼腕俱相

笑論情頗自悲草堂初飲水塵釜晚燃箕避謗

雖絨口逢時必壯頰威儀誠棟棟闡葦謾喜喜

我愛榮陽秀此鄭真才如巴郡賞見松栢臺彈

吏懦公曾為肺石活民羸今公為刑部自外周

應脫腕草檄僅生肱瀟縣堂觀霍琅邪亦渡淮

窮民已歷三開塞有義陽曾駟九折阨疏書

歲行臨尾次王事赴乾維公癸丑歲為杖竭入

龍灣鎮義州別名也行侵鴨綠湄軍容看伉伉胡眼

笑睢睢左社猶旁午中心尚忸怩家皆藏劍槊

人罕用鉞鎡始使生榛地渾為聚筮留文選詩

聚東蚤弧欺考叔鯨賦壯雀倕劉禹錫雀倕碑

王師賦征倕作飛輓勞何憚澄清志不墮芳

晨開宴衍哀曲感孀嫠吟共毛中令遊煩筆下

邳何須行劫劫暫可息駢駢江上停歸旆舟中

命別危岫眉睛脉脉波練靜漪漪過鴈飛驚棹

潛龜伏負坻思玄賦云伏以負坻霧濃迷遠島水落見

空泚草色連迢迢湖光下渺瀰林狉聲嘯殺沙

鳥羽糝襪錦碎又紅鯉萍浮釣白魚注雀約古今

群浮水上若華筵鋪玳瑁寶杓送鸕鷀坐到三

竿日狂傾一石甄昔何榮赫痛今反退嚶公

免公輩皆如此皇天亦似私嗟子生薄命浪迹

幾多暮仙李徒攀託與老子遠廬暫寓羈自猶

慙蹇短誰忍歸觀類陋愧如鄆鄆名知似斗箕

頃迤雲水窟高避網羅危燠室經寒候涼臺禦

暑曦傍墻培棗栗匝地種桑楨類篇楨亦桑也

玉羽馴他鶴莎鞦射却鷓弄琴彈淥水琢句覓

清琪綠竹環階砌青松蔭招槐景福賦注云槐招謂連簷木也
剥苔新廢井墾土理荒菑穴伏梢厖子山僵蹠
虎屍幽栖難奈久出試見他鞭子頃寓居山
更欲依諸葛何妨薦費禕葛亮薦但聞天子聖
唯重巨儒耆剪拂徒勞爾鴛頑亮若茲無緣離
釣等何計脫蓬茨玉蘊常巖積珠潛敢潤碍吳
賦云賴丹明璣云云崎岸為不枯林木為之閏讀生涯何落魄心事好
參差賈島驢恒跨桓公馬未騎篆沙羅鳥雀網
戶對蛛蜘蛛何羨燕尊隗何期宋賞彰京塵工化
素世路劇彎崎自笑詩千紙難償市一劑韶聲

忘嗜味商頌莫憂飢愛酒緡錢盡無斧止木炊

青春 白日避陰蔡紙帳唯愁裂荷衣不

用紕看書雙眼損多病一身瘠渴把杯濡口行

將杖拄肢逍遙高漆吏伏竄吊湘纍路置拋推

屨庭無貢禹綦人雖譏放曠我本耻嚅而觸地

生矛戟渾身帶疾藥穀間初卜宅一褐自安卑

稚子呼鹿麕糲山妻欠幕羅唐車服志曰婦人常

開孫敬戶如在治長縲憶昨尋三老移時遣百

羅陽春嘉唱郢績綵譬遊灘附翼方欣覲揚眉

各自怡統園芟草莽掃地剪榛榴唐書云榴擊

支前宗林菓高難摘池鱗俯可麗鄭公林園饑餓

何讓寢臞臍不辭敲以著取物曰歌愛客皆任昉推賢

盡宋畸前漢元馮翊宋時薦黃霸賢良張溪題弱柳潘園詫芳

菱颺綠還憐蒜抽黃始見唯非似鳥而黃已移三色

李將種九光芝石井絙繩索山齋峙柱椿盃盞

三百計斗酒十千醜代奏醜兼醜交斟耐雜醜

濡毫懷化墨嘗萍定州糞已許來函杖何曾怒

舉標晉書王衍因宴集為人所怒舉標擲而幽情高谷口遠日極

我肅古木蒼苔澁高揪碧葛藟岸巾同踞石瓊

屐更升岨盪漱臨泉沈徘徊拂樹揮不枝下林

深餘宿靄洞密聚曾颺幸共傾千日何嗟對九

疑幽香尋杜若俗嗜屏錫飴要極歡情耳何拘

未禮為衣如魚得水退作鳥黏綿夜卧唯莞葦

朝食只蕨藜緒言難接耳思淚謾成彫飢鼠空

窺窠寒鷄已上塒厲風嚴朔漠反炤指崦嵫久

欲成勦體鍾記室詩評曰文體勦靜唯憂被吟嗤青箱雜記云文拙而

樂那堪使我底濮陽超世尚履道結茅期吳公語予

獨我推飲將同綠蟻食亦共蹲鴟耽學期便腹

評詩到擘肌洪爐容利鉅明鏡納妍媸歟傳重

箋狗 公作毛甲鱗三蟲詩山海 蟲篇細問雖廣

云雖蟲名似蜥蜴而小 師傳尊孟喜兄事擬僧

公既作群蟲詩故云 彌強自呈燕拙多慙側睥猗

跋尾

吳公之詩皆挾古事又欲觀予押強韻處

俾皆挾注予恐後人譏謗故皆刪去之唯

存略注

夢玉瓶 并序

夜夢有人以青玉硯滴小瓶授予扣之有

聲下圓而上尖有兩竅極窄復視之無竅

寤而異之以詩解之

夢中得玉瓶綠瑩光鑒地扣之鏗有聲絨潤宜

貯水剩將添硯波快作詩千紙神物喜幻化天

工好見戲脗然翻閉口不受一滴泚有如仙石

開罅縫流青髓復更復堅合不許人容指混沌

得七竅七日乃見死怒風彌衆穴萬擾從此起

鑽窳憂屈轂穿珠厄夫子九物貴其全剗鑿反

為累形全與神全要問漆園吏

次韻東臯子還古雪中見訪

量珠聞錢塘積金見那鳩富貴如浮雲一散了
如掃唯有醉中心日月所不老我家酒如河鮑
船堪一棹莫詞兼燭遊且限千鍾醕

悼小女

小女面如雪聰慧難具說二齡已能言圓於鸚
鵡舌三歲似耻人遊不越門闌今年方四齡頗
能學組綴胡為遭棄歸倏若駭雷滅春雛墮未
成始覺鳩巢拙學道我稍寬婦哭何時輟吾觀
野田中有穀苗初茁風雹或不時撲地皆摧沒
造物既生之造物又暴棄枯榮本何常變化還

似譎去來皆幻爾已矣從此訣

呈內省諸郎

左散騎常侍崔詵

一門積善出名卿五色文章已瑞廷崔氏弟兄
皆列戟時三兄弟一韋公父子盡明經世家他日
標儒傳里社何人榜德星公弟兄五若借吹噓生
羽翼願攀鸞鳳到青冥

左諫議大夫閔公珪

青紫名家幾世臣錦為肝臟水為神誰知清切
中書地還有風流外監身公本官秘書監義行已登銀

筆麗適詞曾棄錦袍新漢皇若問相如賦何幸
揚公薦邑人予與公同郡

給事中李公靖

鐵幹稜稜萬丈孤雙羨一生俱仙鼈壯力
扶山起金虎雄精叱電驅諫掖共稱張給事將
壇兼作李金吾天池浴鳳息波濶餘潤能露涸
轍無

中書舍人王儀

紫泥封了佩鐙琅朝退渾身帶御香大手直凌
修月戶清才獨合判花郎孔光温室何言樹杜

牧中書屢拜囊十載窮途無賴客彈冠今喜遇
王陽

起居郎房應喬

禁林清地是西臺謝眺閑吟上砌苔一萬古風
丞相系三才詩筆翰林才紫微宮裡朝天罷玄
圃園中逐乘來兼太子司經我亦文平門下客莫嫌
桃李隔年開同出文平公李門下故云

起居舍人白光臣

珠璣咳唾到頭新復見元和白舍人夜聽金宵
傳刻漏朝陪玉帝草絲綸圖南鵬翼凌蒼海拱

李本圖集三
七
吐星芒耀紫宸幸是青雲知己在不應虛掉自
鳴膺

左司諫李淳中

真他特立諫垣深家世唐朝敲六箴電手掀名
驚鬼膽雲介琢句出天心二年青瑣抽毫侍昔
日沉香頰面吟公曾為翰林同是伯陽千載後願禁
仙李庇餘陰

全履之家大醉口唱使履之走筆書壁

君不見東吳水清山復高世世生雄豪履之登州人也
履之鍾秀氣彩鳳穴中生鳳毛君父壯志人誰

知地黑天昏龍虎嘯朴生亦可人時東嶽曾是在
東西南北身醉來眼花落井底自稱風流賀季
真形容大溥古亦號華胥民白雲居士本狂客
什載人間空浪迹縱酒酣歌誰復訶一生放意
聊自適倡兒叢裏倒千杯俠客場中爭六博今
日逢君天使然况復有酒如流泉與君痛飲擊
唾壺志在萬里思騰騫烈士壯心何日已長劍
倚青天功名富貴不須論昔日王侯今朝馬鬣
墳石崇金谷芳草沒何處覓朱門都是一場夢
請看蟻國淳于粲滿酌壽君君飲無明月為我

韶金樽

訪養淵師賦所蓄白鶴圖

鶴是塵外物族本出神仙無心玉籠裡拂翼瓊
樹邊所以支道林放之个里天師今何酷愛模
寫置眼前真猶不可蓄况奈丹青傳徐徐涉其
理師意乃不然放恐失神態養恐為物牽不放
亦不養莫如畫手賢故寫青田真逸翻凌紫烟
瘦以觀道貌清以養天全吾觀寫生圖未作寫
生篇

戲字君中敏縫裙

踏破香紈雪色裙誰家帳底弄文君細君慎勿
加針線又向巫山染雨雲

次韻李君見和

新帖羅襦細摺裙雙鸞帳底笑留君多情杜牧
風流在欲發狂言問紫雲

戲贈美人

曉窓呵鏡照凝酥兩朶烏雲滿把梳時世粧成
紅不暈時世粧斜千金一笑肯迴無

四月十一日與客行園中得薔薇於叢
薄間久為允卉所困生意甚微予即薙

草封植埋以土撐以架後數日見之葉
既繁茂花亦曄盛於是目物有感作長
短句以示全履之

我懶不理園旅草生離離今朝撥叢薄中有蓄
薇數四枝病根露地已垂損弱質凌風不自持
長吁復自吊手鉚剪榛櫛地面淨如洗煌煌擢
竒姿膏泥自封植盡架仍撐搭緗英媚香艷紺
葉添華滋初雖託天力半亦偷吾私始嫌妲姬
隱寶障已見西子出深帷君不見劉郎玄都空
獨來桃花淨盡但見鷺麥與兔葵又不見杜牧

湖州去較遲深紅落盡已是成陰結子時著意
殷勤猶未見送春寂寞空含悲何如草堂李居
士意外逢花對酌酒一危寓物詫深意靜坐復
深思若此非獨花凡物亦如之欲見明月珠先
澆泥沙溜欲求后妃賢無使寵嬖隨欲擇人材
秀先去讒邪欺此詩有深味莫教兒輩知

明日雨中與全履之朴還古復賞

柘染御衣裁金裝佛面開却愁容易落兩裡亦
看來

同劉俞兩同年訪文長老用溫飛卿詩

韻名賦

杏園當日宴遊同
迴首繁華醉夢空
兄分不應慙
會得姓名曾共記
瀛蓬俞公沉靜舍
澄韻劉子清真振素風
共訪禪英論夙抱
懶將雙脚踏塵紅

用前韻餞尹書記儀赴東京幕府

除却今朝一笑同
詩壇三載恰如空
羨君處郡堪游刃
愧我窮途尚轉蓬
閑令後孫真道骨
新羅古國揔仙風
才高地勝宜相敵
但莫鍾情臉斷紅

次韻鄭秀才公賁賀文長老對

御談論

詔許君前說苦空
緣君機辯冠禪叢
人間早駭金毛吼
天上親臨玉麈風
共羨方袍侵法袞
堪誇胡眼對重瞳
御園昨日葱成薤
果見高僧入禁中

見三百飲酒

汝今乳齒已傾觴
心恐年來必腐腸
莫學乃翁長醉倒
一生人道太顛狂

一世誤身全是酒
汝今好飲又何哉
命名三百

吾方悔恐爾日傾三百杯

醉贈金君瑗 并序

金君生富貴襟韻蕭洒工書能詩少年得志頗極豪華偶以事長流嶺南幾二十年矣今有赦召還京輦予始見於內侍柳君家金君欣然如舊相識予酒酣走筆贈之
鷄林先生謫仙人羅綺叢中富貴身蓬萊殿上醉脫靴誤將飛燕譬太真一朝謫向江南天醉卧烟花二十春玉籠那致九色鳳金鑠難馴五色麟快揮張旭筆狂看陶潛巾熙熙太平日自

號陶唐民金雞放赦向京洛京洛多風塵又欲掉臂步千里相逢拊手空揮淚見名飄然雲外心一餉功名真弊屣行矣善保千金軀南北東西亦是一天地

次韻文長老賦橘

荆土偏生託璇星遍散飛斗樞曰璇星散為橘中藏白玉腦外襲鬱金衣種致將侯等懷宜遺母歸君從何處得歲暮見方稀

野人送红柿

植物憐渠蕉七絕見本草野翁餉我僅千枚味如

飴蜜還如乳解止見啼作笑媒

又詠橘

掌中持弄愛團團何必江南雪裡看一箇忍堪
輕擘破邀從千里到長安

尋山迷路

暮尋山舍昧西東行墮荒榛暗莽中
失路忽逢樵徑在丹三玕重採薪翁

偶遊山中書壁上

久為紅塵客浪走無時休到山本無意
偶爾得茲遊無奈愛山人獨往嫌無儔
相逢許聯轡出

郭行悠悠雲烟漸掩靄始覺向林丘
冉冉松上霧泠泠石間流相將入僧舍
小酌語綢繆已墜幽居趣又欲便成留
迺知中下性反覆隨所由趨世悅紛華
入山樂清幽明朝返都城又縛營生謀
嗟哉更何言未免塵緣拘要當婚嫁畢始
脫籠中囚

東國李相國集卷第五

東國李相國全集卷第六

古律詩九卜二首

孰徐歲五月日將遊黃驪初出東門馬

上有作

黃驪乃吾桑梓鄉也

去去指鄉路悠悠出國門
離腸輪百轉征淚兩雙翻
綠樹烟猶重蒼崖日漸暝
喚人鶯舌巧送客鳥聲喧
遠別亂心緒早行餘睡痕
歸驂不可緩荒草滿陶園

憩施厚館

舊有文園病盛夏復遠遊
試嘗一甌茗冰雪入

我喉松軒復暫息已覺渾身秋童僕殊未解怪
我久夷猶我性本曠坦所至任意留得坎即可
止乘流即可浮此留有何惡彼去有何求大哉
乾坤內吾生得休休

渡臨津

扁舟駕浪疾於飛水氣淒涼逼客衣綠岸有時
雙鷺立碧天何處一帆歸山舍紅日低村樹風
卷銀濤碎釣磯初出東門尚惆悵渡江無奈益
依依

宿沙平津

遊女冶容多効妓居民祝髮半為僧江喧始識
潮聲漲地熱那堪瘴氣蒸

江上待舟

朝日初昇宿霧收促鞭行到漢江頭天王不返
憑誰回沙鳥閑飛水自流

泛舟

江遠天低襯舟行岸趁移薄雲橫似素疎雨散
如絲灘險水流疾峯多山盡遜沉吟費翹首正
是望鄉時

宿雙嶺

路入荒榛怯日斜，忽聞啼犬認人家。孤村畏盜猶橫戟，古院逢僧暫試茶。萬里歸雲閑送鶴，一溪高柳靜藏鷗。此身會作江山主，聞道黃驃似永嘉。
黃驃一名黃驃

初入黃驃二首

跨驢才度嶺，縣枕碧江頭。水國移蓬島，人家住沃州。地形如走虎，山勢似騰虬。已脫王城厄，還休客路遊。卿親尋版籍，農畝問先疇。置酒呼田叟，勤咨力穡謀。

草草事行李，茫茫涉梗艱。燎鬚隨病妹，扇枕憶

慈顏

尚州在

上國風塵暗，南州日月閑。此邦堪

玉著，端稱養踈頑。

與鄉黨二三子遊馬巖

雙馬權奇出水涯，縣名從此得黃驃。
黃驃馬出水故名
詩人好古煩徵詰，來往漁翁豈自知。

醉遊下寧寺

偶到湖邊寺，清風散酒醺。野荒偏引燒，江暗易生雲。碧嶺侵沙斷，奔流夾岸分。孤舟何處泊，漁笛晚來聞。

李進士大成邀飲席上走筆贈之

憶昔故意京華春白玉樽前爛醉身如今浪跡
江城裏碧山萬里薄遊人斷雲落日不忍見細
雨斜風空慘神多君邀我慰羈旅玉杯斂灩生
金鱗紅裙數隊時世粧哀歌一曲動梁塵主人
起舞屬我彈把琴欲弄先露巾四筵賓客各相
顧問我何事多酸辛答云近者王城亂白日九
街殷血新我亦僅免崑岡焚離沉艱厄難勝陳
危腸觸地即嗚咽况此嶺外烟霞晨痛飲粗堪
寬我恨請君更酌三四巡

縣宰邀宴江樓明日奉贈

山水清妍敵十洲使君邀我宴江樓郡人扶腋
先生路大勝朱翁畫錦遊
岸上好花倡妓艷樓前流水長官清玉樽未倒
青山暮緩管哀絃尚帶腸

泛小船

鄉校諸生為子
具船楫泛江

桂棹蘭舟截碧連紅粧明媚水中天
釘盤繞見團臍蟬掛網還看縮項鱸
十里烟花真似畫一江風月不論錢
沙鷗熟聽笙歌響飛到灘前莫
避船

六月十一日發黃驪將向尚州出宿根

谷村

予田
所在

入山蒙密初迷路村人過嶺相迎去畦丁羅拜
似彌猴嘍囉頰帶南蠻語田家主人瘡髮黃邀
我欣然具雞黍髯奴皁甕走汲泉瘦姬洗白力
舉杵三尺山搏腰腹皤松明吹火酌芳醕堂下
曲腰爭磬折堂上脫幘自箕踞酒酣徑卧再甞
真僕夫秣馬天已曙

黃驪鄉校諸生為予具船揖乘月泛江
至五更方罷時大醉不能作長篇以答
厚意明日將向尚州出宿根谷村以記

昨日遊賞之樂以謝鄉黨二三子云

一簇蒼山根寒江開碧鑑黛色曉連娟縠紋晴
漱澹肯攜二三子畫鷁凌晨泛極浦水漫漫長
天遠如蘸清畫瀉綠醅密席羅紅臉金釵舞前
落寶扇歌底掩袞筆雜慢管遠逐風磨颭晚泊
白沙汀綠樹繁紅纜落日隱半規到山聞暮梵
時泊舟
入一寺入夜又放船月色清可攬浦口觀文魚
銀刀亂相枕膾雪隨刃飛馘餒不可啖商笛聲
斷續漁燈影明暗終宵宴不疲浮白聊快飲好
在鏡湖水何時賜賀監更待明年春浴沂吾與

點厚意何以酬短投無奈懽

馬上有作

一別水仙鄉騰裝適南荒六月行萬里白汗翻
如漿行疲又上馬上馬睡欲僵渴飲山下泉泉
水極探湯童奴喘不息屢擇樹陰涼幸非就國
者行李不煩忙

書聊城驛樓上

興來命駕困來安多謝乾坤放我閑可惜郵亭

白頭吏一生都擲馬蹄間

時吏稟馬有病

六月十四日初入尚州

尚州古者沙伐國王侯第宅無餘基干戈百戰
生死地唯有江山閱盛衰國破為州州作國古
往今來非一時地形真似虎起伏繚垣千里何
透迤竭來困卧日正暮未暇著眼窮搜奇天明
出遊試觀縷魚鱗萬屋龍纏柄蛾眉齊拜瑤佩
鳴聞有紫雲知是誰

題鳳頭寺

寺古山猶碧僧高地更清野雲含雨意松籟偕
秋聲落日鷓鴣邊耿殘霞鷺外明詩人餘習氣摘
葉寫幽情

次韻崔書記正份

舊日筵中誰識我三行粉面不曾迴
王郎謬敬遊邛客果有文君夜出來

寓花開寺贈堂頭

時以病寓居

暫得休休樂聊償役役勞
石泉飛趁遠松蔓走緣高
草際蟬遺蛻林間鳥墮毛
憑師容卜等小隱此簪蒿

自花開到故人惠雲師所住龍潭寺留

題

空谷風猶響寒溪水自春
養憐支道馬呪下涉

公龍小圃澆靈木幽庭護稚松
一聲清夜磬半月落遙峯

八月一日示堂頭二首

紅路縈紆入翠崖危樓突兀俯青霓
曉涼黃犢歸平野日午幽禽浴淺溪
滿院薜蘿纏壁暗傍窓楊柳壓簷低
欲知地僻無人到門外泥深鹿印蹄

瘦形本是列仙儒又學山中老
必翳金鴨焚香趨佛殿木魚催粥借僧盃
松風瑟瑟無絃曲烟岫層層著色圖
世上榮枯都是夢邯鄲休歎駕

青鞬

八月二日

食罷禪房暫啜茶
半山紅日已西斜
坐呼階畔馴人鶴
卧聽門前警盜鵝
萬柳影中南北路
一溪聲外兩三家
卒然得句聊題壁
寄語閨梨莫幕紗

八月三日

陶愁憑醞醑
扶病賴枯藤
伏石頑龜縮
奔峯怒馬騰
無風松自籟
欲霽霧光蒸
素習愛雲水
前身莫是僧

漫成次古人韻

卧病聊寄老禪居
頭上空驚歲月徂
脚待舁籃陶令病
腰難勝帶沈郎癯
空山雨暗孤猿嘯
苦竹烟深一鳥呼
窓下枕書方熟睡
沙彌喚起勸臯虞

八月五日聞羣盜漸熾

羣盜如蝟毛生民
洒腥血郡守徒戎衣
望敵氣先奪尚未掃
蜂毒况堪探虎穴
嗟哉時無人誰繼
來嚼鐵賊臂捷於猿
放箭若星瞥賊脛
迅於鹿越山如電滅
士卒追不及聚首空
呀咄幸能

獨其鋒物故十七八婦女哭夫皆鬢首吊枯骨
荒村早關門白日行旅絕今年况復旱望雨其
於渴田野皆赤土未見苗芽富屋已憂飢貧
者何由活朱門日吐茵百爵耳自熱高堂森玉
簪密席擁羅襪但識門燠灼不憂國禋祀腐儒
雖無知流涕每嗚咽嗟非肉食徒未掉直言舌
已笑若為陳天陞無由謂

八月七日黎明發龍潭寺明日泛舟龍
浦過洛東江泊大灘時夜深月明迅湍
激石青山蘸波水極清澈跳魚走鱗俯

可數也倚船長嘯肌髮清快洒然有蓬
瀛之想不覺沉痾頓釋江上有龍源寺
寺僧聞之出迎於江上固請入寺予辭
之邀僧至船上相對略話回題二首

水氣淒涼襲短衫清江一帶碧於藍柳餘陶令
門前五山勝禹疆海上三天水相連迷俯仰雲
烟始卷占東南孤舟暫繫平沙岸時有胡僧出
小庵

清曉泛龍浦黃昏泊大灘點雲欺落日狼石捍
狂瀾水國秋先冷船亭夜更寒江山真勝畫莫

作畫屏看

舟行

江海浩無際烟濤千里碧終日在湖中久統泛
舟後舊羨畫屏人作屏中客波搖碎明月水
落出孤石商船一葉去杳杳何處適行入蘆花
洲林霧翠滴滴頭輕肌髮涼不覺沉痾釋

明日放舟不棹順流東下舟去如飛夜
泊元興寺前寄宿船中時夜靜人眠唯
聞水中跳出之魚鱗鱗然有聲予亦枕
臂小眠夜寒不得久寐漁歌高笛相聞

于遠近天高水清沙明岸白波光月影
搖蕩船閣前有奇巖怪石如虎踞熊蹲
予岸幘徙倚頗得江湖之樂噫江湖之
樂雖病中不可以不樂况乎日擁紅粧
彈朱絃得意而遊則其樂曷勝道哉得
詩二首云

碧天浮遠水雲島認蓬萊浪底紅鱗沒烟中白
鳥來難名隨地換山色逐舟迴喚取江城酒悠
然酌一杯

夜泊沙汀近翠巖坐叅蓬底撫踈髯水光瀲灩

李本厚集卷之六
搖船閣月影微微落帽簷碧浪漲來孤岸沒白
雲斷處短峯尖管聲嘶嘶難堪聽須喚彈箏王
拈纖時使一
吏吹笛

舟中又吟

紅鱸得自灘流白酒賒來沙戶此身漸狎漁翁
醉卧烟江夜雨

睡次移船

晴湖浪靜枕肱眠不覺篙工已放船夢裏回頭
沙岸異忽驚移繫綠楊邊

又泛舟

一棹漾流去蕭然八月秋落帆青草岸繫纜纒白
蘋洲燈暗風搖帳江寒月滿舟僕夫應怪我病
裏亦閒遊

又吟回文

笛慢牽風遠舟行舞浪輕碧天秋夜靜寒月浸
湖清

江中鸕鷀石

輕舟溶漾信漣漪中有奇石名鸕鷀我恐鸕鷀
覓魚鱗喧呼翔集深江湍翻翻誤觸馮夷宅馮
夷怒吼雷電作風摧浪打兩翼折半出波間飛

不得肌分髓爛隨東流空有瘦骨留中洲
蘇侵沙澁化堅石尾入泥蟠頭半浮不然安肯烟濤
裏氣勢不死如昂起微竒詰異比目愛耳穿鑿成
詩亦一戲不如買酒盈金罍借汝為杓副以鸚
鵡杯日飲無何寫我憂一笑萬事如浮埃

是日入元興寺見故人珪師贈之

憶昔共遊長安中
籌來一十四春風君時氣壯
未三十一身謂可趁飛鴻
我亦鬢綠最年少眼
電爛爛如王戎別來雲散各何處
四海風塵雙
轉蓬相逢一笑撫銅狄
逆淚無言意不窮
師今

已非昔日容瘦與松頭老鶴同
我亦老大心轉縮無復昔日氣
如虹論情未終各悽惻不覺半
峯斜日紅人生一世須臾爾
早謝名利後支公

紅榴始熟珪公乞詩

頽卵撐枝幾許放
滿林欹倒醉中腮
紅綃囊裏藏紅粒
要見霜風罄折開

月夜聞子規

寂寞殘宵月似波
空山啼遍奈明何
十年痛哭窮途淚
與爾朱唇血孰多

八月十日珪公請題其院為賦一首

萬里高天斷鴈秋閑尋古剝碧波頭喧喧門外
千帆集寂寂巖陲丈室幽滿院松篁僧富貴一
江烟月寺風流莫亡林下何曾見擺却浮名欲
退休

十一日早發元興到靈山部曲

探讀得
人字

靈山最僻邑客路尚荒榛歲儉有逋戶民淳多
老人黃鷄啼呢嗑蒼鼠出頻呻數箇緇衣吏驚
馳似逐賓

行過洛東江

百轉青山裏閑行過洛東草深猶有路松靜自

無風秋水鴨頭綠曉霞猩血紅誰知倦遊客四
海一詩翁

到龍巖寺書壁上

身到龍巖疑玉境口嘗龜井認水漿門有龜井
喇甚佳
千金難賂僧窓味山雨浪浪睡一場

十六日次中庸子詩韻

羈紲不到處白雲僧自閑烟光愁暮樹松色護
秋山落日寒蟬噪長天倦鳥逐病中深畏客白
日鎖松關

十七日入大谷寺

石路高低平不平
閑騎果下彈鞭行
輕風靜掃烟光去
落月時無曉色明
短麓前頭看寺榜
橫舟側畔問灘名
孤材何處吹寒笛
抱疾他鄉易惱情

初入龍宮郡

初入龍宮郡
林端出麗譙
渦圓官妓笑
磬折縣衙腰
激水寒搖岸
垂楊綠映橋
居民皆地著
亦道遙

縣宰邀宴口占一首

喜看桃李滿河陽
不意絃歌至虎城
纔玉莫詞

彊錦瑟病中猶未減風情

十九日寓長安寺有作

到山聊得滌塵襟
况遇高僧支道林
長劍遠遊孤客思
一杯相笑故人心
天晴舍北溪雲散
月落城西竹霧深
病度流年空曙睡
古園松菊夢中尋

二十一日泛舟河豐江

碧湖輕棹木蘭舟
滿目烟濤揔是愁
今歲漸非前歲貌
異鄉還憶故鄉遊
龍湫日暮腥雲合
鸞嶺秋寒瘴氣收
路斷方壺無計往
玉芝無奈老

滄洲

是日迷路夜到脇村宿

入谷畏飢虎穿林驚宿鷗三家村裏宿何必問誰家

入涪州寓東方寺朴君文老崔金兩秀才携妓酒來訪口占一首

感君攜酒訪青山無限襟懷目擊間尚有狂心餘舊習屢擡雙眼注紅顏

朴崔二君見和復次韻答之

羞看禿髮似秋山病後餘生夢寐間一歲三公

二分卧可憐從此換朱顏

九日二日書記開筵公舍見邀醉贈一首

犀鎮紅筵闌畫堂綺羅交鬪玉簪光優人得意多供笑官妓承歡屢整粧石竹裙翻微露襪櫻
搥口小細調黃紫雲在席誰先問忽憶分司御史狂

憶二兒二首

我有一弱女已識呼爺孃牽衣戲我膝得鏡學
母粧別來今幾月忽若在我傍我本放浪士落
魄寓他鄉沉醉數十日病卧三旬強回首望京

關山川鬱蒼茫今朝忽憶汝流淚濕我裳僕夫
速秣馬歸意日轉忙

我有一愛子其名曰三百予和吳郎中三百詩是日兒生同以為

名將興指李宗來入驚姜夕爾生骨角奇眼爛

面復替磊落三學士依爾湯餅客兒生七日吳郎中世文鄭

負外文甲俞東閣瑞廷來訪作詩相賀綴詩賀瑋璋詞韻鏘金石

願汝類其人才名輜允白我生少展眉得汝長

笑謔往往向人誇始得譽兒癖仲夏五月天初

別長安陌遷延客萬里忽見霜葉赤時節日遷

代我病日云劇無由撫犀顛惻惻傷腦臍

一十五日旅舍書懷

江城連日飲指言黃驪蠻國半年留衾薄踈鄉夢衣

寬薄旅愁霜華寒闌月山色冷磨秋為報臨邛

令相如久倦遊

南窓熟睡夢到長安覺而志之

南窓半日偷睡夢到洛陽城市覺來猶卧一床

已度千山萬水

憶長安

萬里江山一病身東華夢踏軟香塵長安不是

天難到漳浦沉嬰泥殺人

旅舍有感次古人韻

寂寞寄人宅淹延費歲華
麥花鋪白雪楓葉染丹霞
木老看垂菌池寒吊敗荷
長安何日到日斷碧天涯

九日訪資福寺住老留飲

門前不見白衣來
獨向僧家索酒杯
枝插滿頭香滿口
免教黃菊恨虛開

思家

鴈信方三到
蟾輪已五虧
荒籬殘露菊寒樹爛
霜梨最憶鷓鴣頭
女還懷犀角兒
城東一區宅誰

肯葺茅茨

九月十三日會客旅舍示諸先輩

我李本仙枝家在紫霞洞
與物本無機曾把漢陰甕
胡為人間世失意翻惚惘
化衣散洛塵振履作商頌
蠅蜚朝龜龍鴟鴞笑鸞鳳
何忍折我腰突梯事偏醜
長嘯出國門大江凌浩湧
步趨嶺猿輕吟蒼山鳥
啾啾咄咄固殊殷
遑遑寧比孔歷千百里
侯無人記閑冗何恨岐
中岐亦是夢裡夢得酒
每呼叫狂言屢驚衆
糟肉慕陳暄井瓶笑張竦
間閑到尚原兩足幾爾
爐坐客皆詩

豪才名輕沈宋聊斟杜酒香為洗阨途痛笙歌
咽喧填左右紅粧擁玉鏡十眉開金盃千指奉
我醉拂玉琴快作數四弄此遊真可誇得意聊
自縱信義非吾士歸期迫飛鞚丈夫貴適志去
駐何須捧

聞官妓彈琵琶

切於盜浦船中聽哀却烏孫馬上彈始信絃中
真有舌聲聲似訴別離難

再遊鳳頭寺

揚州一覺青樓夢廬岳重尋白社柳花柳放時

蕪放筆山僧何苦乞留題

九月十五日發尚州

耿耿殘星在曉隨烏鵲興旅腸消薄酒病眼眩
寒燈行李如村老囊裝似野僧歸田計未遂恣
闕意難勝避世慙高鳳知幾謝李鷹露深巾墊
角風勁袖生稜石棧霜猶重雲崖日未昇辭親
兩行淚到曙尚露膺

是日書記出餞新興寺次崔伯桓首題
韻

江南蕭泗秋花秋多謝郎官餞遠遊纖玉莫彈

箏一曲絃絃摠帶萬般愁

書記使名妓第一紅奉簡乞詩走筆贈之

雲在雙鬢月佐眉刀頭相見更何時十年不作
湖州守長笑多情杜牧之

男兒心作女兒心臨別殷勤淚洒襟旅橐空來
無長物投詩一首當千金

是日日暮朴君文老邀予住宿漢谷別

業夜歸置酒有作

並轡丹楓路青蛾細馬馱

時二妓從之

卸鞍喧攪馬

擡炬落林鷓鴣愛客期投轄遊仙到爛柯旅情多
感寓擊節自狂歌

明日見朴君所留壁上海次韻

家倚青山短麓隅匣藏琴劍度巖書通來懶答
公卿問猶嘆華陽押隱居

十八日馬上有作示同行道士金之命

緩轡悠悠指驛程耳邊猶帶管絃聲忍教紅袖
佳人去妓欲從之獨伴黃冠道士行煙外遠山

愁黛斂風前垂柳舞腰輕聯鞍欲話心中事馬
上無端夢易成

暮入幽谷驛與金君飲酒贈之

多生曾結好因緣千里同遊僅半年門外青松
如我瘦階前綠竹似君賢蕭條郡舍三秋卧寂
寞郵亭一夜眠幸有還家餘喘在不愁歸路亘
綿綿

明日又作

漢谷別佳人幽谷別良友臨行復解鞍相對忘
言久強欲寬離愁酌此一盃酒酒薄愁轉深清
淚滴襟袖贈人莫如言我言君聽否富貴如浮
雲身世非我有子幸全其身慎勿為名累我今

向玉京非為青紫取待當婚嫁畢復此耕一畝
相見必有時胡為恨分手

路上又吟

萬里長途獨去身馬頭頻嚏為何人朝裏暮落
雙蓬鬢南去東還一葛巾統縣青山橫似郭滿
畦黃稻積如囤行人歌笑居人樂此是昇平第
幾春

總聊城驛次薛上詩韻

幽谷一宵中酒宿聊城半日解驂留歸來阮籍
空長嘯寂寞相如故倦遊郵吏送迎何日息使

華奔走甚時休唯予幸是閑行者來不煩人去
自由

題華封院

萬緣灰冷老居士尚有丹心愛 聖明天下蒼
生皆請祝如何獨占華封名

十九日宿彌勒院有僧素所未識置酒

饌慰訊以詩謝之

稅駕入古院燥吻無由澆詩肩秋山聳旅恨風
旌搖吾師舊未識欣然肯相邀桂酒酌碧香霜
梨剝紅消已療靈輒飢復慰相如猶君者今人

交有似秋雲飄膠漆誓昨日胡越視今朝多師
有古風名與遠公超遇士雖非素意合不謂遼
見我如舊執殷勤訊無膠此意何以報愧無答
瓊瑤

發忠州將指黃驪有作

踏遍東南路吾鄉欲去休更尋松徑樂深耽瘴
天遊過嶺捫紅日循江瞰碧流忠原昨夜宿越
女笑難留

江頭暮行

路抱長川遠雲低曠野平天寒征鴈苦沙漲宿

鷗鷺毘火林間碧漁燈雨外明歸舟晚未泊
鷗鷺
軋櫓猶鳴

復黃驪示李季才

歲半東遊歲杪還光陰空擲道途間秋霜染盡
吳中樹暮雨昏來楚外山橐底酒錢渾罄倒篋
中詩卷更追刪多君獨言羈離客置酒仍呼兩
小鬟

宿頻江村舍

江邊放浪自忘形日狎遊鷗傍渚汀散盡舊書
留藥譜檢來餘畜有茶經搖搖旅思風前燻泛

泛孤蹤水上萍寄謝長安旧知己客中雙眼為
誰青

馬巖會賓友大醉夜歸記所見贈鄉校
諸君

去國魂頻斷還鄉歲半徂拍天波蒼茫遶郭路
縈紆縣脉依山盡民風逐地殊初疑遊鄩杜漸
訝入湘吳沙戶魚為稅政師鹿作租水荷歌競
倚松蔓倒相扶野艇尊鱸興仙裝竹鶴苗遠村
聞吹大古聲吊飢甍兀兀詩成癖昏昏酒泥愚
村羹烹土卵客俎馱山膚細愛子腰乘香貫兒

臂翫雪回看楚舞珠碎聽巴歛劇飲腸應腐在
呼膽益麀俗淳無毀譽正合著癯儒

遊水靖寺示住老

一餉繁華夢已空故鄉還與故人同煙出遠似
粧眉綠霜葉濃於醉臉紅往日狂携金谷妓今
朝始禮雪山童陶潛習氣猶依舊尚恐攢眉對
遠公

將發黃驪有作

窮秋客南國今日向長安未護陶園菊空紉楚
畹蘭日輪吟外轉天幕醉中寬胡奈授衣月單

三正怯寒

二十九日發黃驪鄉黨諸公出餞於南
亭李秀才贈以詩即次韻答之

指點紅裙勸別鍾孤煙落日愁容十條纖玉
休牽手六尺飄蓬易轉蹤紅葉九秋聊暫別綠
楊三月約重逢尋盟異日知誰證記取庭前戴
雪松

渡沙平有作

久違鶴髮浹沾衣自別蛾眉帶減圍莫笑向京
無一物滿船猶載百愁歸

十月二日自江南入洛有作示諸友生
家在鳳城南北傍身遊蠻嶺三千里半年嵐瘴
換顏華面黑髮黃如蠶子何況殘軀是病餘蒼
皮皴皴充可耻唯存瘦骨高於山十月單衫繞
掩髀親舊相逢定未知妻兒一見初相避歎者
村邑煙火微數屋蕭條龜殼毀喜見京都風日
佳萬家遷徙魚鱗比李邕入洛故依然馬御遊
却還夢耳此行可笑不可誇寄語交遊勿朝戲
我家新釀方壓槽聊復招邀客一醉

答諸公嘲

居士年來缺作肝肯緣紅臉也消魂滿衣渾是
辭親淚誤認巫山暮雨痕

十月十九日有所訪以雨未果偶成

孟冬地閉錮可雪乃及雨鷄縮未離巢鳥窟難
振羽有懷同心人想像如瓊樹地爐擁一裘
几閣雙肘雖無巵甲杯亦詠撚鬚句

送友人之尚州得嚴字

瘴國迢迢入柱南憐若輕觸曉寒嚴故人情重
登山送慈母息深陟岵瞻母在尚州渡嶺雪愁隨鴈
苦過江風信掛烏占玉顏記我如相問為說形

容漸瘦纖

次韻全履之文長老見訪用吾江南集

中詩韻

閉閣留賓手挽衿細斟家醞綠如藍閑呼玉局
爭獲六醉把朱絃弄十三不必論文期涓吐端
宜聯句會城南殷勤最愛曹溪老約我青山共
結庵

池上詠月

天上群仙會姮娥欲點粧却嫌塵掩鏡下洗碧
流長

東國李相國全集卷第六

東國李相國全集卷第七

古律詩

促織歎

去年園中桑葉次神蚕作繭大於屋織成五色
雲錦羅不待寒虫苦相促今年桑老枯且萎飢
蚕僵卧未生絲渾家拱手待天寒一聞促織先
酸悲千聲萬聲無一尺爾吟雖苦終何益月露
露葉不耐寒入我林前空唧唧君不見促織之
號何太忙箱無寸線機無聲唯有病夫雙鬢髮
一聲促得一絲生縈紆心緒亂莫斷一夜織得

愁萬段虫聲於子已不費勸汝從今啼少緩

食蒸蟬

君不見畢郎嗜飲無餘營但願持螯了一生又
不見錢卿乞郡非他求唯思有蟬無監州猩脣
熊掌易爽口只應此味尤宜酒江童餉我鱗鱗
肥臍大臍團多是雌東海輸芒今已了蟹八月輪稻芒
於東海神後脚盡潤真撥掉嶺南謂蟬為撥
於後可食平生讀書辨螿蟻定非司徒舊所烹烹來剖
破硬紅甲半殼黃膏雜青汁草泥跳躑雖爾宜
猶被王倫餘怒移不如入我左手把日飲無何

聊得佐詩人冷淡食無魚爛蒸瓠壺客盧胡瓠
壺食盡又何續更見青盤堆首着硬鱗腐肉猶
長饒况此海產如糖甜急呼赤脚撥新甕玉鉏
星涕香浮動鱗印金液糟蓬菜何必服藥求仙
哉

走筆謝希禪師惠米

嗟我落寒貧渾家皆食粥亮非餐霞人何白得
辟穀仁哉法師心憐我無寸祿惠然送白粳粒
粒真輒玉何煩顏公帖已貸監河粟戾屢方暮
炊寒厨煙始綠猶堪咲三間冷淡食秋菊

手病有作

正生喜美如椽筆朝戲風月無停時又將擔突
造物見造物慧黠乃先知故教右手忽生瘡
手縮坐如凍鴟捻毫發墨俱艱澁腹雖有藁何
由施乾坤不復困搜剔神鬼方應肆詆欺糖餅
齧肥堪斫雪左手幸完猶可持被酒酣眠不覺
痛非灸非砭真我醫

重九日既以手病未出遊

去年尚州遇重九卧病沉綿未飲酒強携藜杖
起尋僧訪南行集有重九
訪資福堂頭詩手撚寒香空自嗅去

年已去莫追悔却待今年作高會豈知今年又
病手未趁好事詩酒葦亦復起飲嚼霜藥未能
免俗聊爾耳山妻笑勸良足歡何必登高爛熳
醉書庄命薄何足道佳節年年病中度落日愁
吟遠菊籬西風有信猶吹帽

十月二日憶舊遊

去歲秋九月南來寓吾邦自尚州來
寓吾鄉逸村皆禿
嶺帶縣雉清江朝遊林下寺問道雪眉厓暮還
寄旅舍擁葛對青釭清坐愁不寐風雪打紙窓
平明別婦氏跨我鐵色馮出門月未落遠寺鐘

初撞崎嶇路高下馬足踉蹌教勤二三子出
錢皆界缸臨歧一揮手清淚落雙雙曉行叢薄
中畏扁橫短鋸身穿宙戲盤盤且亂溪淙淙間關
到京洛日月會龍窺兒女喜我至問訊何恹恹
至今清夜夢萬里凌崆峒何時乘使車四牡嚴
麾幢吏民改舊觀盡以千指擬此言亦戲耳褊
心良未降前年寓鄉邑功名如鼎重萬夫力
爭扛吾儕已斂退無復隨群喧如收簸揚旆髡
然束空扛拂衣便長往願學峴山龐

璨首座方丈所蓄畫老松屏風使予賦

之

何人結宇青山旁坐對孤松萬丈長日看月賞
眼力盡驅入鹿麕狂一斗觴千蟠石蟄急欲吐
向鮫人六幅素不然安向寸毫端寫此磊砢千
年不死之老樹我恐山盲谷暗煙霧裏鐵色黑
蛇欲走未走低復起又恐波乾浪洶海變田鯨
鯢瘦骨填坑跨壑枕相峙揚然鱗縫呀口鼻雲
陰之日疑有風雷作龍吼竟日支頤未信水墨
摹世間那得有此手

戲友人制不冠

新模特地傳椰子古樣何曾問竹皮手熟不生
針線迹知君直箇老冠師

冠成又作

穩似鹿胎幘輕於鶻尾冠幸無劉氏溺堪學貢
公彈

冠成置酒朴生園餞梁平州公老得黃
字

師友梁先生曠達四明狂驥老益奮驟鶴瘦猶
軒昂讀書千卷強苦欠一錢囊心苦萬頃汪挹
游良苦量遠步凌大章英辭倒長楊枵然飲酒

腸江海注杯觴身雖蝸屋感意可鵬天翔憶昔

城西傍相見鬢已蒼授人驚夜光入室聞蘭芳

清風北窓涼同枕卧羲皇我家酒初香邀君醉

幾場君家月似霜呼我宿一床同遊白蓮菴每共

遊寺共問紅樓倡有訪妓事紅葉秋風冷經楊春日

長携手聊徜徉此樂亮難忘得州天一方山水

杳蒼茫春晚歸意忙明發欲騰裝朴生好事郎

氣俠誰敢當入門語琅琅告去將餞梁幸此春

日晴已掃園林荒相將往茅堂黃鳥啁如簧雜

花紅錦張高樹青旗揚樂極反悽傷臨別淚霑

裳贈行言未詳但願柔濟剛此語苟深嘗何憂
不龍龔黃

訪閔秀才用古人韻

一樽談笑慰無聊永日除君孰與消花媚三千
宮女臉柳搖十五妓兒腰蜜蜂噠藥脾初重乳
鷺尋巢舌轉饒如子豪門容惡客此生何處不
逍遙

又次韻二首

平生落宕亦何聊文選詩云苟一笑無端萬慮
生亦何聊消日映午花酣醉頰露露春草濕裙腰慢斟芳

酒三杯足靜闔仙基一路饒捨却卽君誰共飲
人心都是九疑遙

多病逢春不自聊吟詩舊習獨難消玉書不用
尋蒼腎瑤瑟深宜奏綠腰狂客自呼元浪漫佳
人誰喚董嬌饒十年交分良非淺意合休嗟楚
越遙

楊貴妃

未必揚妃色絕奇只緣誤國作嬌姿君看貞觀
太平日宮掖那無一義姬

謝應禪老雨中邀飲

數年飄散各西東今日樽前一笑同乍把銅人
相話舊更憑石女苦談空篆畦終日清抽穗燈
藥侵宵巧綴虫濃翠滴窓垂柳雨暗香撲地落
花風醉翁情興狂於白禪老行裝懶似融他日
不辭參入杜遠公沽酒引陶公

復和

夜深蓮漏響丁東三語煩君別異同多劫頭燃
難自救片時目擊揔成空馱聞韓子題雙鳥深
喜在生說二蟲活火香茶真道味白雲明月是
家風主師演法機鋒銳禦寇乘冷骨肉融邂逅

忘形聊得意不慚當日老龐公

新晴

夕雨長愁客新晴似媚人妍妍花笑日媚媚柳
嬌春圓滑鶯聲巧輕翻蝶翅勻十分風景麗正
好醉芳辰

訪佛息寺雲公聞國令禁僧家飲

萬事皆同薦福雷書生性命信微我平生多向
僧家飲又被僧家禁酒來

謝梁校勘國峻送櫻桃

後復經二首皆
亡梁作二首

絳葩春豔豔朱實夏團團始訝繁華日生麗還疑碎

火擗摘林濃帶露和葉爛盈盤粲似丹砂粒圓
於赤玉九跳嫌衣上落弄愛掌中看留核欣盈
掬含津覺潤肝眼迷光熠燁舌識味甘酸感子
親情密知予病肺乾為分仙菓羨聊佐酒筵歡
縹李攀接絕細批比况難不教兒擅取思與客
同飡原廟魯羞否先嘗意未安

訪盧秀才永祺用白樂天韻同賦

半岸烏紗帽閑敲綠玉扉柳深鶯石轉林晚鳥
雙歸太白甘時後陶潛悟昨非紛華方戰退始
覺卜高肥

復和

一龍期作友凡鳥豈題扉琴客春多思暮僧晚
未歸身窮道轉富心是貌還非不羨夸毗子裘
輕馬亦肥

戲路上醉卧僧

莫笑上人中聖人醜翻與酒味同醇始知糟麴
神麤猛解倒金剛三昧身

贈沈天曹允章是日大醉作

二月青春光浮動黃金柳園花酒噤脣林鳥已
柔味問君氣俠豪能復觴吾否自言有醞綠可

以濡君口君不見長篇短篇詩萬首何人記我
千年後不若未死前一杯綠蟻酒

訪梁參軍梁不在呼子壻李君與語俄
有玉川生來回置酒留長句

不見冰只見玉飄然韻格清不俗相看眸子秋
水綠頭上烏紗螺點粟玉川扣門來剝啄白日
與消碁一局可人可人豈不服伯鸞不在傷心
曲

次韻和崔相國詵和黃郎中題朴內園
家盆中六詠

四季花

伴開春豔旋隨風欲配秋香夢又空閱遍群芳
無可偶依依獨到雪中紅

菊花

霜卉秋來遍放花飽看野岸與山家石盆硬滑
應難穩一朶寒香尚足誇

瑞祥花

外家鍾慶氣如春外君於相華屋尋常鸞賀賓
一朶好花嬌欲語又將何瑞報於人

石榴花

例憑土肉得繁枝
狀見群紅婀娜姿
賴爾花中獨安石
鐵腸如我尚開眉

竹

欲試君賢豈一端
悍根又奈石盆寒
箇中尚有湘江意
直作攬天玉梨省

石昌蒲

露珠偏上翠尖垂
愛箇玲瓏未墮時
賴有彈渦餘海量
老虬盤穩秘鬚髭

仲冬十四日同文丈老朴還古訪興聖寺成禪老路上口占

覓伴成三老
危巖度木梢
猛風衝帽過
微雪點衣消
路遠猶甘較
人避幾費翹
興來聊訪戴
不必見招邀

二子見和復答之

雪羣堆瓦縫
寒氣束林梢
道已將時左
是日入關會三
人雪中獨向山寺同共
笑吾儕之興時左也
愁軍託酒消
天門鳴鈿
轂仙禁簇金翹
獨向窮山去
只應猿鶴邀

日晚到寺小酌用皮日休詩韻各賦

碧尾鱗差出樹端
洞門人靜立
蒼官蒲林白雪
猿跳破半壁紅暉
鳥噯殘香燼
冷堆山室寂磬

聲清斷石牕寒我狂漸息堪禪縛莫作當年獵
將者

又和

萬事都空一笑端尚欺螯叟漫為官巖連井榻
雲長濕地近茶窓雪易殘閑掛鐵君經夏結狂
燒木佛御天寒青山他日應為舊不憚幽蹊子
細者

遍閱院宇還讀石碑復用前韻感舊記

事

記得香城締搆端臺輿曾此擁千官寺是寶音之古家捨

以為寺仁宗重初嘗幸于此命立碑

苔侵篆額碑文暗雨染紅泥

壁畫殘窳育臺舍孤月冷北有寶

摩訶岬觸斷

雲寒下冠山此其一也名摩訶岬

巖僧見慣慵迴首付與閑

人自在看

復和二首

剩遣談雷吼古端坐教鑿齒作衙官孤鷲拄杖
初拈起鳥喜齋鐘半擊殘雪色與師眉孰白山
光入我眼爭寒相逢得意真些子莫是他年作
夢者

散浪何曾釘一端只緣上界足仙官裁雲舊習

津津出夢雨餘痕旋旋殘信步偶尋融老懶滿
身猶帶廣文寒無心那有安心處慎勿將心特
地省

又分韻得岳字

卜居城東蝸一殼怯寒無奈縮頭角偶然乘興
閑出郭三尺雪深寒蘸脚來打禪扉聲剝剝警
咳一聲虛谷答入門眩恍見臺閣似見小空隨
善覺隔林吹火搏鳥落渴漢求茶泉欲涸一夕
忘懷這裡樂大勝三笑遊廬岳

明日又用朴仁範詩韻各賦

洞深煙霧碧淒迷其奈無情日又西
殿雪寒廬腐爭穴燥避風幽鳥擇枝低
走藤遇曲難成杖卧木因高偶作梯
不識空門閑氣味到山煩覓壁
間題

又用古人詩韻走筆書壁上

霽天寒碧月分明十二蓮花滴瀝聲
除却燒香無一事始知禪格大高生

上趙令公永仁并引

某謬將爽銳之資早占桂仙之籍
八霜修變一命不露今伏遇恩門
相國閣下掌銓

部之劇權作士倫之精鑑實難自縮輒欲
求神明鏡臺前雖愧妍媸之易別洪爐手
下不論利鈍以無鎔真收櫟之村用試
絃歌之任云云

仲經扶聖漢趙憬相皇唐根大瓊枝盛源深玉
派長履龜生延質畫鹿早占祥筆刃千鈞重心
河萬頃汪飛龍曾利見威鳳歛高翔天上文星
魄人間愛日光判疑掀霹靂論事振琳琅苞聖
登青鎖上即祥公緘書拜皂囊壁門趨閣道璇
極護文昌鐵棟明堂固金城敵國防望歸裴晉

國倚重郭汾陽大手調殷鼎丹心補舜裳品人
同許郭愛客似原嘗利冠金椎鑄長材玉秤量
沉珠寧鏹彩幽菊競披芳無賴孤軀在投閑十
載強妙齡初非角游學遠羸糧染翰攻鈇槩橫
經對縹緗靜開孫敬戶坐穴管寧床樂器堪調
啞詩篇欲補亡登壇屠沈謝劇壘倒班揚科第
連年捷聲華一日彰不曾吞墨水聊得鍍金湯
便欲層霄擊何思半路僵風濤終蹭蹬雲漢轉
微茫反蟄跳蛙井空尋覆鹿墮蹕呼逾壑底骯
髒殿門傍有水誰霑鮒多歧竟失羊頗同殷咄

咄敢比孔遑遑功寄堆文塚窮牽送鬼樞本雖
由薄命半亦坐佯狂萬事經三折虛名愧七襄
早聞明鏡照猶及覆盆蔽果記水鄉子曾稱粉
省堂聞相國屢稱勞於首中故云喜深跳欲舞涕出拭還滂
燕谷思溫律無鹽費靚粧銓衡今入手造化大
專場益復伸吭望方期傳翼揚沐芳新振垢磨
鈍漸生鏗季嗣真如玉傑與季嗣景親且同年清朝早縮
黃韋承青眼眇叨對白眉良結髮初相識論心
誓不忘幾熏蘭室臭同折桂枝香綺席嘗陪後
花堤共綴行自呼知我鮑狂道起予商謬殿三

下履今移十五霜茅管親績繡瓿甌側珪璋為
惜累累狀聊迴惻惻腸屢將金諾重欲借袞縻
煌今日何多韋中心竊自昂秋因誠不淺公道
亦何妨好試清琴撫無嫌羨錦傷亮難堪劇郡
正合委偏鄉最望整蠹東海還思鴈坵方窮奔何
擇木饒口不須魴躍躍哀鳴急懸懸仰叩忙

上任平章 并序

某居門下久矣年踰三十投閑置散徒恃
攀鱗之幸反為失路之人苟非息門相國
閣下成物之仁則其誰恤之耶冀立薦平

原之一鶚使無泣龍陽之前魚云云

累葉衣冠後三朝肺腑親周王呼伯父漢帝重
宗臣瑞世龍章煥鳴時玉韻新舊傳張相印早
縮衣昇銀位已黃扉貴身猶綠鬢春飛鷲曾放
手跛鼈亦攀鱗但備籠中藥何參席上珍同門
多扼躍唯我落寒貧三十無官客東西浪跡人
顏瓢空有水范釜久生塵鍛鍊誰成器俾停尚
問津前魚如不棄何幸達楓宸

上崔平章讜 并序

某伏聞相國閣下於趙令公座上大加稱

賞喜不自勝謹著今體詩云云

五色毛生穴三珠樹接枝弟兄雙拜相今古罕

同時相國入相舍弟八極府唯只止禮部尚書蒼玉初承寵黃扉旋

躡資自尚書直入省故云陰陽歸燮理社稷寧安危靜似

成蹊李端宜飮座梨豹文無誤對亥字判羣疑

雷電扶韓手陽秋備褚皮吹噓餘論羨攀附幾

人馳我是諸生憲杜詩云諸嘗干太尉憲趙指言

公後漢趙感公同見賞似昔早相知為惜益車

困期將玉鎖縻歸來猶夢寐銘刻在心肌同輩

皆翔驟吾生大嶮巖久為莊轍鮒空羨魯梁雌

淚眼餘三泣歌聲發五噫深坑無計出長綆肯
誰施漢落後人棄擲掄任鬼欺牽粧嫫母面已
識紫芝眉頭角邗長縮心肝會一披天高難自
達願綴薦衡辭

上崔樞密詵

世出文章伯興由德義門八龍初竝躍三鳳最
超騫陳湛真難弟桓榮實有孫白眉竒表秀青
鬢羨官尊洒翰雲多態端容玉不言循循家訓
在挺挺祖風存月裡名書澤紗中像護藩中興
依日月大手定乾坤上即祚八北朝
修製公甘為之已入棲鳥

府俞御史大夫

將登畫鹿轡立朝威凜凜愛客色温

温憶昨方投刺移時得接論仰鑽彌自若慰勉
一何敷邊幅規多檢毛皮禮去煩歸來空想像
早晚更攀援我李難成蔭何門可托根高蹤隨
泛梗幽佩綴芳蓀衆謗吹毛急狂言到口吞短
衣愁甯戚一室著陳蕃官路如天遠年光劇海
奔陸沉那久困水擊會高翻已恃知音在行銷
泣璞究孔融憐我否一鷗在平原

重上趙令公

愚伏蒙省樞諸相國同上劄子薦達鯁生

制書已降中路遷移此何異放生之魚反
八圍人之鼎將獻之鵠忽使使者之籠是
朝野所共歎也非獨愚之歎也孰已墮而
何悔灰雖死而復然噫天察之閣下亦察
之愚復何言

鷄書朝奏九重天 御墨才宣萬口傳昔見銀

杯嘗羽化今聞劄子忽登仙

馬失焉知還是福羊三不用若相進品題全繫

山公手何恨 天書半路移

投崔吏部洪胤

青雲得路甲枝郎家世金甌覆姓名壁海千尋
胸底盜錦霞五色筆頭生班心舊振霜威稟省
眼今懸鏡炤明困酒誰煩呼斗水沐芳人競拂
塵纓玉溫顏色曾叨識葦薄因緣亦自榮近結
書記翩翩誠不分割難一色適吾情相族

戊午二月九日同全履之餞朴還古之

南得舊字

二紀風塵中一龍三益友襟期付歌詩意氣許
杯酒顛狂白千篇酌酌劉五斗准擬豔陽天尋
花共携手春光不吾負已著黃金柳捨我忍何

之如手失左右別語那易聞清淚濕我袖江南
阿那邊縹緲連天雷一鞭行色遙憶我迴頭不
殘春早早來一笑重論舊

次韻朴還古南遊詩十一首 并序

雞林朴還古好事奇人也戊午二月將遊
漢水揚州之間予與鵠城全履之出餞於
東郊之松巔僕酒酣走筆一篇以贐其行
全履之亦和之朴君以日暮未和行至天
壽寺追和前篇三首又於路上多著錄日
雜詩古律十餘首抵沙平關編為一通以

寄之予與履之賞味不已然亦因循未和
而朴已還矣近因泥濘杜門閉居始得和
成若二首書以贈之云

二月東都門別我同心友為唱三疊詞勸進一
杯酒平生男子心烈膽大於斗臨行效兒女流
淚惜分手春風如有情吹舞纖腰柳是時全履
之傲兀居坐右相將挽歸衫似挹浮丘袖何意
飄飄雲悠然戀舊岫隨風忽歸來肯復從吾不
約束更尋芳樾花笑依舊

同前二首

此二篇朴君皆
押旁韻故依韻

李和國集卷七
天胡窮退之兒亦笑羅友珠聯五字詩鯨吸千
日酒南遊觸豐曦海泛占北斗舉鞭向習池醉
任兒拍手靜採瀛州芝狂吟彭澤柳眼高紅粉
媼謝遣不留右五馬光陸離訪君為挽袖共倒
黃金危晚色霸烟岫是時得新詞還憶狂生不
覩君南行辭江山盡如舊

瀟洒全客鄉氣韻真我友早懷濟物情暫隱陶
潛酒吐文似六經錯落羅星斗未放驚人鳴誰
傷代匠手雨輭光風輕時節宜花柳亦足了一
生鱗左復杯右長嘯如鸞聲飄飄紫霞袖詩成

倒宣城句壓窓中岫我性元無程二子肯客不
淡水交轉清二十年前舊

和宿天壽寺

百花相倚闌輕盈準擬同君醉大平嘉節無端
揮淚別亂山何處皺眉行玉川文字五千卷魯
望生涯三十楹曾是少年為客處逢人問我舊
姓名

和宿峰城

半山斜日過簷遲清句唯吟杜紫薇

此行惟携
杜紫薇集

溪竹困陰孫未長庭梅飽雨子初肥旅軒風簟

李和國集第七
率人睡野鼎春蔬慰客饑千里倦遊誰勞問石
樓僧定銷烟霏

和宿德剎院二首

落日三盃醉清風一枕眠竹虛同客性松老等
僧年野水搖蒼石村哇繞翠巔晚來山更好詩
思湧如泉

碧湖晴潏澹芳草遠芊綿問路三千里知名四
十年愛涼憑水檻眺遠上雲顛老衲渾多事評
茶復品泉

和送客湖上

平湖水漫柳嬌春一路風輕雨絕塵畫鷁似閑
還似迫送人才了又迎人

和湖上偶遊

春遊易成憊旅意動含悽綠蔓扶顛樹蒼苔護
圯堤暮江煙柳重曉岸露花啼歌吹揚州路風
流憶竹西

和塊居空館

古院闌人久荒村得酒踈詠詩驚谷鳥投飯聚
池魚江寂潮迴後山明日側初春慵渾作癖得
句不須書

和即事

閑於陶靖節狂似蓋寬饒
殊夢穿層岫詩眸截碧霄
輕飄牽別袖殘月送歸橈
水壁波羅粉巖碑蘚蝕雕
江山同北固風土似南譙
控險天為府連空鬼作橋
幽花逃小雨卧柳困驚朝
沙日玄夫曝湖烟雪客翹
遠聲聞勢靄深竇俯窅寥
離別吾偏感光陰孰共消
去如猿出檻來忽鳳遊郊
何適未為樂休煩若避囂

金大丈子由得尹學錄所贈朱藤杖請予賦之

雞林先生九十餘十分霜雪
點雙鬚金丹未就脚稍澁
出門八門須杖扶尹即意
氣衆所憑贈之以南詔萬歲
之紅藤五節踈句過手卓
六尺脩直等肩外千山萬
谷意自便昨日衰翁今壯
年長安多酒店遊必掛百
錢君不見孔光靈壽煩帝
賜白首冒榮能不恥先生
本有紫霞想不事嬰身珪
組累先生有素風此杖宜
山中何必學羅公遠擲作
銀橋八月宮

東國李相國全集卷第七



